



19. august 2022

UKA 2022/74

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kalaallit Nunaanni sakkutuunngorusuttunik (sakkutuunngorniartussaataitanermut misilitsinnerit) katersisarneq ingerlanneqaqqittalernissaa siunertaralugu Naalakkersuisut Rigsmyndighed attaviginissaat pillugu Inatsisartunut aalajangiiffigisassatut siunnersuut.

(Inatsisartunut Ilaasortaqaq Anna Wangenheim, Demokraatit)

Tunngavilersuut

Nunatsinni inuusuttatut danskisut innuttaassuseqarneq aallaavigalugu sakkutuujunissaminnik periarfissaqarput. Sakkutuujusinnaaneq nammineq kajumissutsimiippoq, 100 procentimillu nammineq aaliangikkamik pisinnaalluni. Sakkutuujunerup kingunerisaanik illersornissaqarfiup iluani ilinniaqqissinnaanermut periarfissiisarpoq.

Oqaluttuarisaaneq malillugu sakkutuujunissamut soqutiginninneq annertuneq ajorsimavoq. Tamannali piffissap sivikitsup iluani allanngorsimagaluarpoq 2018-mi Nuummi Illersornissaqarfik sakkutuujunissamut misilitsitsisimaneraniit. Tassunga inuusuttut 42-ut takkussimapput taakkunanilu 22-it sakkutuunngorsimallutik¹.

Misilitsitsineq iluatsilluartoq kingunerisaanik Illersornissaqarfik Kalaallit Nunaat 2019 misilitsitsiffigeqattaarlugu misilissimavaat, inuusuttullu Aasianniit, Sisimiuniit, Qaqortumiit Nuummiillu sakkutuunngorniarnissamut misilitsissimallutik.

2020-mi COVID-19 siaruarnerata kingunerisaanik Kalaallit Nunaanni misilitsitsisarnerit unipput. 2021-mi aamma Kalaallit Nunaanni misilitsitsinerit ingerlanneqanngillat. Tamanna Naalakkersuisunit piupaneqannginneranit tunngaveqarsimavoq².

Aaliangiisimaneq tamanna inuusuttut sakkutuunngorusullutik Qallunaat Nunaannut misilitsikkiartornissaat namminneq akiliisariaqarneranik kinguneqarpoq. Aki tamanna inuusuttut amerlasuut tunuarsimaarfigaat.

Demokraatiniit isumaqarpugut Naalakkersuisut toqqaannartumik taamatut inuusuttut misilitsisinnaanerigaluanik pisinnaajunnaartitsinerat ajuusaarnartuusoq. Naatsumik oqaatigalugu sakkutuunngorniarnermi misilitsissinnaaneq nunatsinni periarfissaaleqqissasoq. Taamatullu eqqartuinitinni eqqaasariaqarparput UPA2022/151 suliarineqarnerani, sakkutooqarneq sammineqartillugu sakkutuunngorniarluni misilitsissinnaaneq aallarteqqinnissaanut partiinit siammasissumik isumaqatigineqarmat. Taamaattumik siunnersuut ima ittoq saqqummiupparput.

Taamatut oqaaseqarlunga Naalakkersuisut akissutaat partiillu sinnerisa oqaaseqaatissaat qilanaaraakka.

¹ DR.dk, "Forsvaret vil have flere grønlandere i uniform", 6. november, 2019

² KNR.gl, "Naalakkersuisut sakkutuujusussaataitanermut misilitsittarnerit unitsikkaat", 11. juni, 2021



Pisortanut aningaasatigut allaffissornikkullu kingunissai

Rigsmyndighed Kalaallit Nunaanni sakkutuunngorusuttunik katersisarneq aningaasartuuteqarnerlu akisussaaffigimmagit siunnersuut pisortanut aningaasatigut allaffissornikkullu kinguneqarnaviangilaq³.

Namminersorlutik inuussutissarsiuteqartunut aningaasatigut allaffissornikkullu kingunissai

Soqanngilaq

Innuttaasunut aningaasatigut allaffissornikkullu kingunissai

Soqanngilaq

³ Akissut § 37 tunngavigalugu apeqquteqaat normu 70/2021